

先君陳荆鴻教授遺著

《蘧廬詩草》

(手稿影印本)

順德圖書館賜存

陳崇敬贈

二〇一一年三月廿一日

於桂鎮龍山桂苑

蘧廬詩草

荆鴻先生著
崇敬



蘊廬詩

荊鴻吾兄屬

馮康侯篆





陳荊鴻先生七十三歲造象

羅蘇民攝影

醫早讀經
 知自爪自西
 君足來炒天火
 一自駛參四皓
 其車只豈謠憂
 可止源源夕燧
 夕陽平田古里
 飽庾饒育顏樂
 于游禽鳴于對
 楊柳陰車炒个
 誦讀新

醫彼展陸車馬如流自故自西君子東遊
 天形二角好花四時其中孔嘉我復何之
 漁舟渡夕陽平田古里既燕既康魚樂子

淵禽鳴子樹楊柳陰中遊入歸庵

步賢淹詩薄流書顯歸社淵
長十美舍巧平期室愛子鳳遺
種景招履所金捷尋爲私百
辭約清事石寐幽送曷先
以羣集在早宮覽夙先

集永輝堂集詩四卷之四

陳鼎漢



卓立千仞
傲然
志凌霄漢
氣鴻
畫于香島



題辭

常熟楊 圻雲史

溫柔風骨氣清和獨樹天南一幟
佗自是詩人關世運微雲疏雨已
無多

豪氣驚人似湖海行吟濺淚看江山
却從詩品論人品元白風流伯
仲間

山陰諸宗元貞壯

潮聲雜風雨人事奪光陰挾此蕭寥
意甘爲偏側吟晝方樓坐永客
却市塵尋鷹馬忘神駿吾將愧道林

維揚方大方地山

嶺南三子關風雅每誦君家獨漉詩
今見羅浮行卷好瓣香直接復
奚疑

歙縣黃 質賓虹

千里襄陽泛畫船
苔芩重證舊因緣
琢磨心力歸吟卷
汗漫江湖作散仙
香島同游如昨日
淞江小別又三年
把杯喜共高樓坐
明月清風不費錢

武進謝觀虞玉芹

餘事誰將健筆扛
嶺南詩老識潘汪
如今更有傳家學
一卷重開獨漉堂

上海秦之濟伯未

新漲龍江晚綠酣
十年舊夢我何堪
荔枝初綻紅如玉
重念天南惜惜庵

深閉柴門索句遲
閒愁潦倒付金卮
哀絲豪竹今消歇
獨寫清凝蘊藉詩

吳江顧 申青瑤

亭亭有客倚高樓吟嘯風煙落九州撐起天南一枝筆干戈何地不生愁

刪盡風華結習消靈山哀怨久沈寥早年詩骨清於水直欲乘時化怒潮

少陵悲壯孟郊寒才調縱橫信不難慟哭河山完土少從今字摘膽肝看

辭如雕琢心靈減味到酸鹹迹已陳我自平生愛真率獨從微淡見詩人

懶病荒寒書久稀十年情性已全非遙知卓立龍巖頂雲氣上天衣欲飛

餘杭陳 瑋翠娜

大雅文壇久寂寥
羣烏白項正嘈嘈
孤音獨弄無人解
松影上衣山月高

舉目河山百事哀
忍將離亂供詩材
滄桑萬古揚塵地
除却看花眼倦開

噫氣都成五色雲
冀南一顧久空羣
何當冰雪深千尺
倚馬長城草檄文

憂時豈獨杜陵工
末世源流每異同
願作詩壇陳仲子
絕無依傍是英雄

旗幟何須一律新
分唐別宋又何人
近來懶語應相笑
詩厭推敲只要眞

閩侯沈演公演公

好辦豪懷作畫師
六朝詩料恣尋遺
人才枿盡誰高躅
巖樹秋深有

晚姿游趼忽逢疑涉夢任情自遠足稱畸叱車肯就山村飯劇念羊
城唱和時

漢壽易家鉞君左

雕雲鏤月好才華詩思清如雀舌茶十萬紅綿標一幟嶺南未必止

三家

番禺潘飛聲蘭史

海日翁山仰輩行幽居誰識育賢坊七言懷古蒼涼意好繼君家獨

漉堂

番禺葉恭綽遐庵

三百年來卓卓姿君家獨漉最工詩清聲雛鳳今能繼舊學蟲魚世
早知不感滄桑驚倦眼幾看桃李茁新枝海濱風雨高樓上猶憶豪
談對酒卮

番禺許菊初晚香

早歲才名動朝野矯矯如君亦健者詩宗獨漉語雄奇書法史游見
高雅閒向溪山寄性靈一泉一石入丹青米濃倪淡收方寸如此關
河幾晦冥論交卅載風塵裏道德文章所深喜不買胭脂畫牡丹却
遣名心契秋水曾作冰天汗漫行狂歌躍馬入幽并要將國故鉤深
遠萬里歸來一座驚酒觴茗碗期朝夕風雨深燈忘作客湖海相逢
意轉親況當離亂百憂逼聞道豪情近更頑縑緇百丈遺餘閒何時
尺幅相投贈留付兒孫證往還

鶴山易 孺大广

勞生苦不厭讀詩一爲開言言落珠玉頗復謝塵埃天聲隔海嶽吾
意何悠哉

高要梁寒操均默

粵海詩壇久有芒
半生心力瘁
縑緇士衡世德先
陳意博采重箋獨
漉堂

東莞鄧萬歲爾雅

令人却走自娛嬉
何況靈臺夙有詩
獨漉行吟丁板蕩
淵明疊和紀干支
斜陽沿舊尤心許
門戶全無正足師
瀛海揚塵闥
宦迕幽情不意受君移

三水黃榮康祝藁

無端飄泊到天涯
海島移居計未差
忠孝性情猶獨漉
衣冠文物本中華
新亭綠拂清明柳
小火紅煎穀雨茶
莫便消磨才子氣
萬言書上賈長沙

三水吳肇鍾唯庵

平生不盡邦家感
獨漉詩箋怨已吞
何意及身逢喪亂
却攜餘涕弔

崑崙心情比水江湖闊世事如雲咳唾存除了秋蘭堪作佩夜燈風
雨叩誰門

南海吳天任荔莊

滿目滄波意共深高樓袖手對層陰中年念亂將安往濁世稱詩欲
廢吟與證鴻泥秋幾許舊過燕市夢重尋相逢湖海歸來後不盡離
騷變雅心

中山鄭三春霆

文人多才天所靳況乃詩書畫皆工料其落筆賞心處壯氣直欲開
鴻濛世傳三絕古來少殆以一二兼稱好當時得者深咨嗟尺楮寸
縑猶異寶豈意千年風會殊虎頭不作廣文老即今獨漉餘詩孫掉
臂未肯游朱門遠來海嶠橐健筆早歲已使聲名喧百年光景纔逾
半陵谷變遷看亦慣佳花異草且傳神賸水殘山君勿歎

中山李 翰供林

君家前哲炳南天獨漉堂詩後起箋潛德幽光三百載發揚神助筆
花妍

清才傑出仰龍山並茂詩文見一斑藻采紛披歎觀止長留天地之
兩間

台山趙 威大鈍

九日黃花下相逢喜有時何妨湖海氣不掩鳳鸞姿止酒難爲醉歸
耕信可期蘊廬詩一卷冰雪照鬚眉

南海李景康鳳坡

車塵馬足久盤桓燕市歸來惜羽翰風雅欲從頽後挽江山傳入鏡
中看居夷漫作他鄉感遜世翻令眼界寬獨漉薪傳幾人在故家遺
澤未應寒

南海王紹薪孝若

獨漉詩孫未式微箋傳八集振前徽故鄉文獻今存幾舊侶清游亦
晤稀久客江湖仍刼避何時書畫並船歸海隅春盡停雲望應有新
詞勸夕暉

南海陳寶尊重光

遠承獨漉近嚴君家學天才迥異人平淡之中見研鍊休從唐宋辨
傳薪

斯民憔悴已多時應有窮愁欲達辭此是勞人歌本事半生湖海百
篇詩

南海楊 虞舜文

獨漉之子孫儒雅知名早五車載將惠子書墨池染徧張芝草少日
才驚諸大儒筆力排山海傾倒西泠詩思寒山鐘鸚鵡賦傳黃歇浦

八荒風雨九天雲南旋歸臥海之濱一枝董筆匡時弊萬言賈策哀
生民忠君愛國傲敵酋褚公皮裏有陽秋先生之心如日月先生之
氣江河流櫓檣掃盡歸香澥邦人懷想舊文采絳帳流風此獨存鱣
堂逸響今猶在我尋白社結詞盟君詩律細嚴長城直經橫緯古今
史發蒙振落正始聲君不見元白歌謠徧天下李杜文章堪倚馬詩
人長抱天地心闡揚六義扶風雅

南海潘新安小山

託足鱸峯下歲月忘晴陰虛檻清風來悠然聞時禽長者詩一卷愜
我遺世心蘭花有幽香裊裊薰衣襟

世治擊壤歌世亂羌村詩或登池上樓或登黃鶴磯往哲有名作此
老能肩隨卓爾意幽顯繹如情歡悲茫茫天地間感事多歎歎

順德伍 莊憲子